

石
泐
詩
鈔





石汭詩鈔卷第十一

朗吟集 癸巳

寧遠楊澤蘭



更下洞庭爲楚中大觀吞江銜山一碧萬頃范希文岳陽樓記尤盡陰晴變幻之奇癸巳五月泛舟巴陵連日醉吟樓上朝暉夕月酬倡迭興有把酒臨風之樂無去國懷鄉之感落落何懷不知吞幾許雲夢矣編朗吟集年內詩附入焉

書見

石汭詩鈔

卷十一

一

晚煙接水碧平隄萬柳掀風翠欲迷雙槳漁舟何處去鷓鴣爭沒野亭西

客懷

客懷破碎雨風裏花木陰霏春夏交薄酒中人元不惡生涯似我未應拋好琴麤解彈三疊學易才堪讀一爻更有錦囊詩句在茶牕禪榻細推敲

芒種後五日寒甚偶書

五月寒如此全教暑氣空山雲長作雨庭樹不禁風紈扇先秋棄輕裘與客同牀頭尊酒盡長嘯問天公

遣興

山八吟牕面面青乍眠還起醉還醒風前嘯傲有何事
閒看浮丘相雀經海峽山書主人幾回來湘風浪卷
萬里江天闊中流欸乃聞破颿斜漏日遠樹密連雲槍
影山城近鄉音客路分是誰吹玉篴幽怨動湘君

夜泛望巴陵諸山且置昔武
遠水浮天去孤舟帶月行波搖颿影碎風起篴聲清到
岸漁船雜談茗客伴爭參差青不斷已認岳陽城

石泐詩鈔

卷十一

二

過君山

坐吞雲夢已八九君山在前舟在後好風吹送君山前
洪濤且負君山走行行且止走且僵若沈若浮孰至張
東西南北四無際微茫一羸居中央舟行只愛順風好
煙波況涉重湖道獨有君山萬古青不爲逆風那得到
君山聞是湘君宅湖面年年浪高拍宅前宅後絕人行
音容遠與疑山隔我是疑山舊主人幾回來醉洞庭春
好山畱作後遊計明年重泛湘江濱

湖魚

湖魚吹浪來湘沙浪聲轟礧霹靂雷車大魚十尺小徑寸
鱸腮鱖項鯨鯢牙揚鬣鼓鬣更得意隨波逐流無津涯
漁人載網走江浦湘東湘西搖輕划得魚失魚互驚歎
隻鱗寸尾皆堪夸山居作客此味少欲彈劒鋏依誰家
風風雨雨征程急蚤起賣魚聲誼譁水鄉魚賤不論價
得錢豈計銖兩差烹鮮饌肥佐以酒行廚置辦真咄嗟
我聞湘北患巨浸崇隄高岸成卑窪久憐原野施罾罟
那復郵井栽桑麻君不見魚腹彭亨大如斗萬家骨肉
供餼餉食魚食人寧忍此毒龍可殺須皇媧

石汭詩鈔

卷十一

三

五月初一日同人登岳陽樓放歌

生不窮汪洋浩渺之大觀便當置身千仞高出青雲端
坐闕茫茫宇宙億萬載一洗山凡水俗眼界爲之寬洞
庭周遭八百里匯湘吞澤何漫漫斯樓創建自何代巋
然巨鎮回青瀾大風泱泱吹客上樓去岳陽門外五月
猶輕寒一琴一篋一塵尾一飲一坐一臥一憑闌
瞳瞳雙眼直徧海門外但見金烏玉兔逐逐跳雙丸俗
塵掃去萬餘斛逍遙且盡終日讌左驂羽衣霍右駕天
使鸞安得湖中帝子樓上仙清風明月日日相盤桓

初三日重登岳陽樓同吳蓮池肇裡游寅侯裔

恪 二廣文

江風淨掃無纖埃湖心涌出青樓臺仙袂翩翩忽聚散
仿佛駕崔雲閒回廣文官舍冷如水文書積案紛成堆
有時縱觀不滿意獨來獨往空裴裒我輩行蹤本無定
勝遊到處堪追陪湖山不厭重挂眼千秋懷抱君爲開
登高休躡靈運屐放懷須借畢卓盃江湖廊廟各異志
此事非關才不才鷺渥出沒田萬頃舊識伴侶無驚猜
夕陽沈沈射樓角振衣長嘯歸去來歸去來何快哉新
石汭詩鈔 卷十一 四

詩莫待明日催

岳陽樓觀湖中競渡

大巫歌謳小巫舞船頭銅鈺船尾鼓紛紛落葉弄波心
萬槳齊飛勁於艣鄉民不解屈平悲但逢節序相娛嬉
飛鳧來去決勝負城頭坐笑聲嘻嘻洪濤怒浪忽撞掣
南船北船行路絕竹筒未分竊蛟龍人命居然委魚鼈
汨羅江頭萬古清茫茫此恨誰能平無端風俗久成例
憑今弔古難爲情客中默憶故園事縷繫長生糗益智
疑山蒲節近何如千里臨風成獨醉

五日旅懷

自笑風塵慣思家夢也無茶香侵午枕雨氣偏重湖滴
宦情何極遙吟興未孤醉鄉佳節至碧釀試新蒲
水國清涼甚天中似蚤秋幾人同載酒高會一登樓爽
氣收襟帶閒情伴鷺渥萍蹤元不定欲去爲風留

小岳陽樓題壁

大瀛洲外小瀛洲百尺樓邊更有樓萬古崔嵬雙掩映
半生飄泊幾句留

樓爲韓柳谿
孝廉所築

重湖擊浪大如馬一帶

歸颿遠若漚我亦黃梁炊竝熟閉吟日日臥當頭

石汭詩鈔

卷十一

五

呂仙亭

無限逍遙興來登縹渺亭水連天際白山在樹頭青崔
影去難返仙蹤此暫停閉吟飛過處長醉不須醒

贈黃西堂

鏞善篴

問訊柯亭竹傳來第幾枝倚樓推趙嘏顧曲識桓伊夜
氣魚龍雜商音艸木悲落梅剛五月何處寄相思

平江道中

梅子黃時雨過初荒陂到處事耕鋤深林蔽屋唯聞鳥
小港通舟只釣魚客久漸能銷鬱悶路難彊半爲生疏

山郵籬落蒼煙裏絕似城南舊州廬
野色青青四望齊人家多在水亭西百年古木升松鼠
一徑幽風響竹雞石似削成都帶瘦山逢登盡已嫌低
卻憐十里煙蕪外不爲看花路也迷
萬巖前將反棊山值風雨斷渡宿江樓夜月甚皎口占
雲峰矗矗隱山城坐對前谿雨意生欲渡每緣風敗興
將眠翻戀月多情事機反覆元無定天意炎涼似不平

石澗詩鈔

卷十一

六

樓上更闌鄉夢熟寺鐘遙送過江聲

月夜偕諸友閒話

客伴都瀟灑相逢笑口開花光和月睡竹影帶風來宿
鳥窺前榭涼鼃起廢臺夜闌人語索欄際落青梅
古井涵深碧苔痕面面封月明真似水雲亂不成峰樹
有秋聲蚤酒如春色濃笑談忘爾汝分袂且從容

編從軍集書後

時清未敢策奇勳小試弓刀淨積氛衛國干城皆赴赴
成名豎子但紛紛折衝愧乏楊愔勇刻石何須寶憲文

零落幾篇王粲作短衣長鋏憶從軍
宵晝犇馳大小城朝廷恩重一身輕豪情尙喜頭
顛在壯志應憐髀肉生艸艸詩成多倚馬庚庚筆落當
談兵而今閒坐蕭齋裏濁酒高歌對短檠

五

且將歸春陵畱別歐陽鏡秋

鷓鴣

黃西堂

鏞

同牕同榻更同舟江外長江樓上樓皮袋逢花頻點檢
錦囊得句互賡酬半颿日落歸青嶂一劔霜寒搃碧流
三百年來無此樂何時墳垠續佳遊

酒徒琴侶兼詩友綠樹青山一畫船客路相逢元偶爾

石汭詩鈔

卷十一

七

人生何處不陶然彈餘劔鋏成前事倡到刀環已半年
惆悵篷聲吹折柳瀟湘門外水連天

睡起偶憶岳陽之遊

山深林密日盤桓清簟疏簾夢亦安閒極偶畱生客話
狂來且厭俗人看竹籬過雨氣常潤桐葉吟風蔭漸寬
萬頃煙波湖上月舊遊無計可追謹

歸舟微雨涼甚

一櫂乘風去歸與路正長江天無劇暑夏雨作新涼谿
釣樹陰合渚蓮花气香望中陂稻色秋熟定豐穰

宛轉昭潭路茲山執獨尊日低雲影薄風合樹聲屯
楓幾來往煙波相吐吞漁舟生計活聚處自成邨

卽事

湘江波綠上征衫遠岫參差翠欲銜南北風來無定準
乍開颿處又收颿

宿耒河口

迢迢歸路逐征鴻絕好谿山罨畫中兩岸鼉聲初過雨
一星漁火乍搖風依依溝港柳全綠落落山邨棗半紅
昨夜隣舟仍共泊萍蹤那復計西東

石泐詩鈔

卷十一

八

觀音灘夜泊

一醉無餘事飯餘聊復眠樓高鐙隱市岸遠艸連天地
勝堪停櫂風清一扣舷夜涼篙刺水柳港出曾船

舟中雜言

昔人文思捷辟如下水船有水兼有風所向真無前人
生如意事得半無求全憶我出山時一葦杭晴川連日
風水聲疾箭鳴飛弦今從棗山歸上水何屯適截流斷
篙槩且訝南風顛石磨艇底苔眼眯船頭煙閣歷半險

易去住皆由天望中古城樹到岸人將眠

閉門慕閒遊恆苦無遊處舟行利順風薄遊亦猝遽過
眼好谿山歷歷風前去天公忽解事畱客情絮絮水落
灘頗惡颿却風難馭停橈日幾回行止多猶豫某水復
某山靜聽舟人語曳屨爛漫遊遂盡煙霞趣得酒且浩
歌躋臺或雄據怪石窮鑄劓夷坡恣踣踞歸舟遊覽多
濡滯焉足慮新詩落紙成應有江山助

落葉打篷響瞬驚天地秋清泉鳴石底散作風颼颼終
日再三醉棗醉眠船頭秋波涵空闊相逢無來舟灘頭
石坊詩鈔 卷十一 九

坐漁叟濯足長江流把釣不得魚高歌凌滄洲一蓑一
簞笠與世無相求念彼心神怡豈知征途憂棄舟願借
往同作逍遙遊

舟中苦無書竟日得閒臥臥起復穢然入夜常獨坐長
年操作勤睡熟夢難破船船鼻息聲鼾齟競相和啟戶
立船頭秋月如杵大穿竹照谿石繁碎不停簸征袍黯
澹色歲久輕塵浣衰哀俯江波碧淨不容唾遙遙一鏡
來野戍人巡邏鷺羣沙際飛雁語林閒過坐對天南隅
飛星落一箇

途中口號

嶽靈半載託幽栖
偶賦淵明歸去詞
客路詩成多艸艸
炎天行遠且遲遲
斷雲索歷歸前浦
反照荒涼入古祠
無限湖山增眷戀
故鄉何必問蕪絲

抵郡

炊煙遙指郡西東
淺澗平沙路漸通
來日辭家逢社燕
歸程有伴逐秋鴻
雲根犖确懸厓樹
颿影褫襪到岸風
再得健晴三兩日
此身深入萬山中

秋日雜句

石泐詩鈔

卷十一

十

忽驚一葉墮階前
秋信知從去燕先
雁影隨風不成字
最難著筆是青天

玉蘭顛頰晚荷衰
桂蘂繽紛欲放時
剛恨小園花事盡
一簾香到又催詩

閒訪山僧入翠微
夜來猶未掩柴扉
月光忽暗深林路
又有流螢照客歸

候蟲何事苦吟秋
不解愁人亦自愁
故遣讀書聲廖亮
漫勞雙耳聽喧啾

秋中賞雨邀里中諸子同作

雨雨風風總未休
天如變格作中秋
正孤庾亮登樓興
忽憶袁宏泛渚遊
曳杖近迷峰色峭
梯雲空悵月華流
哀絲豪竹聲聲在
卻惹嫦娥一段愁

天上霓裳奏未終
羽衣仙客散
念寒生玉宇
瑤樓上
秋在銀屏畫燭中
聽雨也宜今夕好
停琴還記去年同
宵分定有蟾光吐
看洗浮雲萬里空

秋夜曲

水晶簾下夜沈沈
美人無語立花陰
花陰受月有深淺
月影照花無淺深
花前對月深深拜
花光月色相侵尋
石泐詩鈔 卷十一 十一
秋宵苦長晝苦短
那知一刻值千金
冷露溼妾裳涼颼
飄妾襟有泪不忍彈
傷君千里心君心千里
莫傷別試聽城頭莫砧切

舟夜聽友人彈琴

細雨寒煙古渡頭
故人同此泛扁舟
平沙調古初聞雁
落木聲多好賦秋
張翰已爲歸去客
海翁猶狎夢中漚
綠蓑青笠生涯在
世事茫茫一醉休

菊譜初發藥時每枝止畱一二恐藥多力分則
花不大也園僮因而翦菊書此示之

莫翦菊頭花恐傷連理氣願言雨露多根本同澆漑

九日偕棻漁七兄遊里門諸勝有懷棻山諸友
谿水滌洄隄嶺東鄉關樂事喜心同墊巾未遇廉纖雨
落帽先驚料峭風山不在高期可陟賦雖能作愧難工
詩壇欲話題餽事終讓君家跋扈雄

瀟湘南去萬峰奇雲屨風襟處處宜書帶艸生縈別夢
米囊花發憶歸期幾人潦倒傳萸佩三徑荒涼繞菊籬
何日樵兄共漁弟登高重續隄泉詩

踟躕

石汭詩鈔

卷十一

十一

眾星帶河漢耿耿西南隅
衰衷仰空際白雲若有無
斜月忽已墮殘光猶滿湖
清飈動林薄策策吟高梧
欲坐理瑤琴振衣重踟躕
一螢水際來度影入菰蘆

飢民歎三首

河隄天爲決屢修仍屢敗
湯湯江漢流渺渺南北界
嗷嗷中澤鴻鴻競訝長城壞
築場期尚遙滔天水忽屆
蓄積委波濤蒼茫望空拜
哭聲震兩閒慘酷逾彫瘵
死者長此辭生者將安邁
船船逐岸來浮沈如一芥

長驅入城闈沿食如投傳
道路成室家街巷攜親眷
風

雨不蔽身面垢肘或見上官挾冊來歷歷詢鄉縣糜粥
廠東西沾丐期恩徧婆娑老人行偃蹇幼孩倦少婦惜
紅顏餬口猶蔽面給錢令他適濡滯當詞譴茫茫宇宙
寬眾命將誰援
朝飢鬻吾妻莫飢鬻吾子妻子入豪門委身事奴婢得
錢能幾何生別輕千里飢驅太偏人一寒竟至此臨行
重慘悽相看泪如泚明晨踽踽遊隻影知誰止悔不忍
須臾團圓溝壑死

石訪詩鈔 卷十一 十一
矮屋便聽雨低牆恰見山小花依艸活一鳥帶雲還秋
氣銷殘暑浮生得暫閒四圖書插架獨坐亦開顏

丙戌得小石於江畔愛其奇古中界飛白天然
如瀑布旁鐫數字置几案閒久之不知所去圍

僮頃於瓦礫閒檢出僅存其半斑駁若斷碣矣
磊落起江濱幽齋舊居寵鬱林船中遺摺機天上種凸
凹山執盤詰屈木癩腫珠瀑界中央千斛泉源涌肌理
何天然藻飾映雕栱玩好雜木石狼籍成荒冗棄之既
可惜得亦不足重湮沒今八年念舊意紛翫園傭鉏秋

花瓦礫堆蔬壟巉巉雲根攢幸脫沙泥壅洗垢入墨池
拾遺傍筆翁笑顧主人言願作煙雲奉刮目歎神奇喜
且三百踊珠疑合浦還璧勝相如拱顯晦物理恆得失
不旋踵衰中東海寬屹屹吟肩聳

待旦

日升東海月沈西漱漱星光曙色迷楊柳蕭疏欹院落
夫容顛顛壓江隄回翔雲路多征雁抖擻霜晨乍倡雞
秋氣偏人眠不得夢魂空繞畫屏低

偶感八首

石訪詩鈔

卷十一

古

年少不更事顛倒學文詞每觀古人作竊竊心效之得
其一二語自謂無餘思放筆意先爽詰屈夸陸離豈知
宇宙大萬象日蕃滋才力固有限聞見無窮期一得未
足喜一失已堪悲古人不一人著述各有宜師承幾千
載全體難獨窺而我生其後優絀豈不知龜勉從吾好
進退當自持經經而緯史乙乙抽蠶絲

十二遊膠庠十四餽米廩擊節量才心文成遽鏤鐸名
場發軔初躋辛殊未審城闕戒佻達思學忘食寢所志
頗不凡期奪錦標錦名宿爭疑年虛譽游揚甚自顧但

忸怩豈知冰淵懷犇走漸偷閒回頭已十稔坐非管寧
牀警乏司馬枕來者恐不如位置居何品皇皇歲月馳
負荷切心凜

生平志气豪萬類恣觀覽至理析未精動爲外物撼心
靜悟自然事事歸平澹譬若古鏡懸歷歷照肝膽瑕疵
負微芒頃刻難遽捨海底有明珠貴探驪龍領輝光映
四隅日章固由闇旨哉道之腴至味良醞醱去飾擬夫
容回甘如橄欖奧義蕉徐抽佳境蔗倒噉深入期淺出
攻苦在鉛槧

石訪詩鈔

卷十一

五

世情諳練多所在皆學問亦長機械心動或干非分名
途覬覦私利藪睚眦忿陷阱易誤人一蹶難自奮後悔
已差池明察徒斤斤所以古聖賢微言具謨訓宜厲君
子操毋計羣小慍擾擾天壤閒善惡詎終紊旻福意外
來視人爲遠近天道類惟彰默默神工運

憑空談理學所學竟何事弊與穿鑿同悖道總一致有
宋逮元明講說標新義附會入虛無結撰成乖異有用
無用閒嗟嗟爭位置詎惟落禪宗佛聞亦擯棄聖道本
庸常學者胡不類世教際昌明語言文字備且喜僞學

絕復憂邪說肆機巧百變生滔滔何所至矯枉卽過中
屏虛益滋偽哀洙泗閒語默皆真意

投筆慕劔俠成名恐無益棄世志陸沈於用亦奚適不
如理故業矻矻窮經籍世事日紛紜才力自珍惜古人
所已爲事事皆陳迹我後古人生軀幹豐七尺一物恥
不知毋爲物物役鶩廣近於荒所得不償失叶業精本
於勤人一當已百瓦犬與陶雞用舍輕一擲君看千羊
皮不如一狐腋

松柏豈不高斧斤摧一旦江漢豈不清濁流混一貫孤

石涉詩鈔

卷十一

七

潔類招尤毀譽良可歎氣質稟自天各各剛柔判謀已
貴求全責人毋過半峻厲寓中和渾然無崖岸東南有
浮雲頃刻四飛散吾氣果浩然充塞無羈絆豎白絕磷
淄參差泯域畔嶢嶢本易缺碌碌庸足算躬厚薄責人
無爲白眼看

人生父母恩地天同覆幬稍長願成人切切相語道離
懷志遠遊夢想已先到日日倚門閭平安望兒報嗟我
先恭人春秋未及耄顧復慈且勞忽忽精神耗年少不
知恩恃愛轉成傲出入富訓言舉止戒輕躁劬勤五十

年廿載託庇冒一朝風木悲呼籲將誰禱大義孤雅嘯
孺私慘烏噪棄養慮棄學屬纊猶諄告感此摧肺肝側
惻復自悼

小艤二首

小艤秋江上前谿曲折通雪蘆雙岸白霜柿一邨紅鷺
立晚煙裏魚跳清浪中幾人相對語星月滿幽篷
無數寒雅影飛飛繞碧塘鴨棚秋水涸蟹斲晚風涼偶
約琴尊侶來尋醉夢鄉孤舟元不繫欲渡更輕颺

意行至坎巖二首

石泐詩鈔

卷十一

七

閒雲出沒傍巖阿一幅秋光畫裏多九面瓏玲緣蛭曲
千門掩映壁蠡窠天然雕琢寧傷巧物外逍遙自養和
惟有看山情不厭更隨斜日上藤蘿

一猿一雀兩追隨滿袞嵐煙拄杖時
上壑雅宜名士賞
山川畱待後人詩
千峰攢簇雲中出
萬點斑斕雨後滋
夾道松風隨客盡
柴門相對各參差

劍

手上蓮花活翳閒
寶玦輕有時風雨起猶作老龍聲
斫地真何壯倚天如許長
壁閒龍虎氣俠骨至今香

老人山視次姊墓

芝城一別不生還省識長安道路艱

卒於京邸

遠信浮沈秋

夜雨羈魂離合故鄉山十年弟妹驚分手萬古神仙可

駐顏片石淒涼依宿艸夕陽回首泪潛潛

落筆

結習生平未忍拋偶思落筆費推敲自吟自和自心賞
隨記隨忘隨手鈔仁裕詩篇元有窖放翁書室本名巢
街簧卷鼓紛紛是何處人間有鳳匏

石汭詩鈔

卷十一

七

石汭詩鈔卷第十一終

石汭詩鈔卷第十二

出山以來屢經衡嶽下湘颿九面嚮往者久之是

秋闈後始得一遊陟响屨之峰登祝融之頂木石

煙霞曠然成詠榜發獲雋冬初迺歸里門詩作於

芝城者半附為一卷曰開雲集用韓文公南嶽觀

日事也

自家抵郡途中作

石汭詩鈔

卷十二

鳥語聲聲斷復連送人直到碧峰顛細泉挾雨初成瀑

遠樹牽雲欲上天殘月曉風長僕僕落花流水一

年年壯遊莫待韶光老好向春山整翠篔

贈崇壽石

雲閒宮殿九重開恩寵會宣紫禁陪名將每兼勳戚傳

礪金元有濟川才萬家饒吹烽煙靜一路河山錦繡堆

更羨濂谿風月好門前桃李盡新栽

瀟湘吟興快探奇於越今猶紀去思南國風騷新樹幟

太平事業盡歸詩雲臺著述成千古鈴閣勳名冠一時

公署近濂谿書院嘗為課試

至竟登壇推宿將才兼文武九重知

戎行初倡凱歌還快覩將軍入楚關
筆陳雲排森似鐵威棱霜挾重如山
古來將略多風雅從此民情化梗頑
一瓣心香依錦幄願偕持戟共遮攀

詞行樂寓齋三首索荷舫弟同作計

莫厭蝸廬小春光到處佳
雨低簾外燕風聒社前
鼈花鳴香成海林煙翠捲
厓隣家兒女伴初上踏青鞵
來聽瀟湘雨依稀幾度春
鳥聲酣喚酒花色巧迷人泉

石交情古詩書道味親佛龕鐙影碧何日證前因

將同赴禁

石訪詩鈔

卷十二

二

柳浪

柳綾初齊雨乍晴長條飛袞趁風輕
穿林燕掠垂垂影唼葉魚吹細細聲
桃隴暗催紅粉去麥畦同逐翠煙生
臨行攀折知多少流盡天涯萬古情

松濤

長松高立萬峰寒
陟覺煙雲起怒湍
絕島蒼孤孤雀舞
廣陵杳颯老龍蟠
榘風有路通青澗
飛雪無形涌翠巒
絕憶盤陀鋪蔭處
四山圍合海門寬

荷錢

納涼天氣碧荷鮮水面平鋪箇箇圓衣勝五銖翻翠沼
風來萬選出清漣分簞此日憑沽酒買笑何人倡采蓮
倚徧闌干閒細數不經鎔鑄總天然
野塘風雨戰叢蒲戢戢鋒鏃似也無九節暗侵霜氣冷
雙鉤寒刮浪聲麤倚天未挾飛龍執出水新成戲鴨圖
莫問青萍舊時價延平津上久荒蕪

晚晴偕趙晴郵

樹寅

明府家築漁荷舫登鎮永

石汭詩鈔

卷十二

三

樓

十日山城九日雨落花半沒藏春鴉辰聲稀歇新晴來
遊興翩翩出門戶芝城迤邐山執高招呼風月人三五
新泥滑杏行不得一路鼉聲吹兩部禪關帶月出雲端
樹梢戢戢環如堵曲折苔磴山門開樓閣丹青畫入古
遠煙一抹澹無際征颿隱隱湘之澣天公吹我酒爲醒
俯視一切皆塵土客中遊覽年復年菲盒幾見更新主
竹林綠天近如何欲去已聞官街鼓殷勤相別路三叉
新詩明日從頭補

梅貞女祠

國事興亡感慨多梅莊血泪久成河十年不字誰憐此

一苑無名可若何廟貌至今齊柳聖祠舊額梅聖廟河西柳子厚祠亦額

稱柳聖今均改正碑銘終古配曹娥西岡亭畔青青艸遺跡荒

涼幾度過

盛哉今西岡

瓏玲九竅巖宛轉西岡路山執東南來環抱如相護怪

石隱叢苔危厓支古樹腳根微雲生一步一回顧湘亭

得得登遠渚見煙鷺碑碣斑以駁辨譌復屢誤夕陽一

石汭詩鈔

卷十二

四

徑斜人去空山莫

雜詠

欄雷猶餘雨後聲輭風初上紙鳶輕小園花色濃如許

盡道今朝是穩晴

薄遊容我綴新詩采采江蘼寄所思一曲山香聽不得

春心祇有蝶先知

蘆塘鼃吹社前雨麥隴花開社後風莫漫聽他春去了

鳥名春山還見滿山紅花名

湘江波暖泛輕漣春去春來水上浮祇有忘機舊漁侶

斜風細雨共句留

柳絮

柳絮飛飛近野塘
被風吹落更輕颺
無情卻似多情甚
知到誰家錦瑟傍

綠天盦和荷舫韻

一年一見艸痕新
牢落輕衫慣惹塵
繞郭山青多勝槩
種蕉天綠問前因
僧緣詩瘦垂垂老
鳥覺聲多細細春
薄醉暗驚花事了
幾人攜酒坐芳茵

四山春雨挾飛泉
萬綠叢中別有天
倚壁殘碑苔繡石
石汭詩鈔

卷十二

五

撲谿疏柳葉掀煙
詩成卽日堪同賞
琴不知音定少緣
爲愛芭蕉新蔭好
蒼龍栽滿墨池邊

墨池

墨水淋漓映綠天
空門結習憶當年
而今細雨寒煙裏
池畔苔蘚萬箇錢

筆帚

不爲浮名始出家
管城瀟灑足生涯
禪機一片歸何處
筆帚荒涼繞落花

蕉旗

東風獵獵捲仙旗
筆陳堂堂聽指麾
爲問浣花潭畔客
可能種紙得便宜

菱角塘

清絕菱塘水
風來蹙縠紋
鳥聲煙裏辨
山色樹頭分
路溼戎戎雨
天低漠漠雲
蒼梧渺何許
怳悵對湘君

詠荷舫上已見懷之作

政憶芝城三月三
春江花月好重探
開緘忽訝掀波鯉
下筆應如食葉蠶
作客幾年離已慣
相思兩地夢同酣

家園舊侶兼新侶
盃酒當爲日日談

時將借禁漁
同赴禁山

石汭詩鈔

卷十二

六

同人集柳侯祠

石根犖确水潺湲
遺廟荒涼島嶼閒
千載齊名元刺史
一時謫宦白香山
盃棹近約新詩侶
碑碣重摩舊蘚斑
獨有分宜名字在
多年託蹟例應刪

祠前有嚴
分宜詩刻

白蘋洲

兩岸垂垂柳
夕陽樓上樓
湘波經幾曲
迢遞白蘋洲
亭榭渺何許
野漚相對浮
斜風將雨過
瑟瑟似新秋

冷水灘二絕

春水綠於油
岸石參差影
昨宵雨未足
猶帶灘聲冷

一船打槳來羣鷺驚波起船過下前灘翩翩戲春水

相約

相約漁翁去清湘泛小划蕩煙天欲雨載網水爲家晚
飢然枯竹疏牕見落花雙雙新燕子翻影照江霞

悶雨次荷舫韻

孤舟聲欸乃春意雨闌珊坐對愁雲影風生薄莫寒庫
逢人語雜沙颿鷺衣單卽事堪消遣牀頭酒未乾

舟中雜述

雨釀春泥駟路深菰蒲寒颿浪聲侵推篷望入煙銷處

石訪詩鈔

卷十二

七

對對紙鳶飛出林

春到江鄉景物增桃花紅處似霞蒸船船逐向潭頭去
水暖魚肥好下罾

麥隴秧塍相映青雨餘驅犢出林垌農家饒有尋詩處

日日雲山對畫屏

亭臺到眼卽浯谿樹影連波綵漸齊白舫青簾過江去
耳邊猶聽子規嘯

平原艸色望中蕪淺淺篷牕釣艇孤儘有橋亭堪避雨
幾人閒立數青鷗

蓬頭乍見溶溶月沙觜初開漠漠雲絕妙漁郎新水調
昔年客裏未曾聞
合江亭畔綠陰多石壁峴巖挂碧蘿誰把綸竿拂煙水
短篷閒繫釣魚蓑
煙雨重逢舊識渥荻蘆風色似新秋夜深忽聽琵琶語
知在儂家第幾樓

下灘阻風

艣聲兼雨下寒灘順水渾如逆水難偏羨來船風力滿
蒲颿千幅倚牕看

石汭詩鈔

卷十二

八

梨花

小牕清話達寒宵破曉雙飛燕子嬌一樹梨花明似雪
和煙和月總魂銷

舟次望熊羆嶺

嵯峨熊羆嶺俯闕呵羅灘春艸鬱蒼綠江風吹莫寒洞
庭渺天際中有君山盤西南漸平行岫屢多屈蟠疑峰
亦挺特九朵夫容攢茲山堪鼎峙頗壯征途觀地險扼
要害當關行復難晴空涌青翠隱隱出雲端微聞瀑布
響坐對山容寬湘颿隨嶽轉遊蹤將未闌

小亭遺築在宜晚更宜秋楓葉綠初密桃林紅尙稠射蛟畱古洞瘞雀有荒丘遠岸煙深處微茫認客舟

茲山稱半嶽樓更半於山雲氣穿櫺出風聲繞樹還目窮千里闊身似六朝閒默憶松陰下年來幾叩關

射蛟臺

陶士行射蛟處

南方物怪多夔蝮山蹲林伏稱幅彊百尺荒涼江畔臺陶公會此驅妖蟒將軍奮力過千人少年才氣夸傲儻弓刀小試中原場破虜平戎如反掌凱倡猶聞楚郢聲

石泐詩鈔

卷十二

九

神威競駭荆蠻長長沙郡邑山水鄉觀凌白雀瑤宮敞妖氛障野雨風腥蟒蛟怒挾鯨鯢黨壘樓高接數萬重鼉梁遠駕三千丈熠目爲炬角爲門羽流拍手排雲上萬輩瞪眙似堵牆逍遙盡作出塵想求仙采藥何紛紛碧血青燐照林莽衝冠一怒山爲崩鬻弓快覩將軍往凌空響震霹靂弦霧慘雲愁頓開朗殺賊殺妖皆爲民豈須三面開湯網生靈托庇祠宇存英風颯颯丹青像此後驅鱷更有韓當年殪虎空傳廣射蛟人去臺復荒洞口雲陰春盎盎

臺畔有蟒蛇洞

低回欲習運甓勤撫髀長歌

增慨慷

六朝松

百年計樹人人壽不百載十年計樹木木壽可長在此
松種植自何年幾見滄海爲桑田不存其皮但其骨森
然高踞山之顛山中變幻有時有狂風夜挾蛟龍吼天
鐙灼灼萬丈光眞氣磅礴驚戶牖坐中忽憶六朝事塵
尾清談等遊戲松風可買值萬錢結伴入山謀良醉我
來此地重盤桓颯颯驚濤生莫寒種松人去幾千載六
代江山夢裏看

石訪詩鈔

卷十二

十

鐵佛寺一笠亭

塋影壓山小花光臨水幽晚涼雙樹合遠勝一亭收嶽
雨送歸雁谿風醒睡漚齋鐘催客去門外有扁舟

雨渡

雨雨風風喚渡時漲痕新上綠楊枝荒洲幾日無人住
短艸寒莎水一籬

天公餘事作荆關潑墨初成兩岸山任是亂雲遮不住
被風吹到又吹還

小階

野柝聲聲急驚人到枕邊螢光欺暗月
鼃語雜飛泉作
客身如寄思家夜廢眠小階閒起立
疏柳靜生煙

空聞遠寺

遠寺鐘聲夜渡江小蛾驚雨撲吟缸
最憐一穗寒銜色
點綴瓶花上紙牕

晚興

白沙江上看雲歸更訪幽林躡翠微
八夜詩情閒未得
亂畫聲裏一螢飛

木槿花

石泐詩鈔

卷十二

十一

眾芳開落本無常白白紅紅夢一場
爭似舜華顏色好
朝朝晨起換新粧

楚俗尙競渡緣三閭故事也湘西有屈子祠土
人於五月六日入山拜謁徧遊靈禁諸山亦謂
之登高紀詩二首

綵船逐逐似漚浮連日登臨最上頭
雲裏靜聞仙雀語
竹閒遙認碧波流奇花小艸新亭榭
細雨寒煙舊釣遊
往事淒涼三楚地汨羅江水至今愁
瀟湘特壯歎
登高佳話說端陽權把蒲觴當菊觴
醒比屈公今獨少

醉如陶令我偏狂江山似解騷人恨蘭芷遙攜楚澤香

螭屐漫辭凌絕頂雲閒選佛有新場

時雲繁宮新茸

贈吳靜盦八十

慷慨從戎去長刀短後衣全臺烽火靜新駙羽書稀
艸檄情何壯籌邊願不違皇恩深感激詔許太平歸

陟岵終天恨馳驅道路艱孤忠增孝感九死得生還奉

檄成虛願拳幃失笑顏征衣慈母綫漬血泪猶斑

百粵多煙瘴邊防一騎來指鞭連桂海又手笑雲臺風

雨憐諸季星霜老健才據鞏今日事須髮漫驚猜

石叻詩鈔

卷十二

七

兩載栖遲處雲連壽嶽高拜公瞻北斗憶我賦同袍佛

地新攜橘仙源舊種桃

武陵人

華堂開畫錦傾耳聽瓊瑯

闡中戲詠

鼓吹喧闐鎖院開秋空澄霽絕纖埃龍門百尺君須記
燒尾成時不再來

名次傳呼擠盡難羣材濟濟集衣冠卻愁坐號生疏甚

接卷先將卷面看

一紙飛傳欲嚮辰滿場驚起睡鄉人
燈前子細從頭看

揩眼先來就比隣

魚鑰森嚴蝸舍分晚來粥肉散紛紛幾番濫受天家眼
慚愧無顏對號軍

風櫺欲問夜如何脫稿低吟費揣摩試看三條銀燭盡
花光那有泪痕多

行閒添改特分明落紙紛紛尙有聲襍被筠籃收拾好
龍門開放一身輕千里目睛巧尺風雨餘

客遊二載長沙道韶顏轉被風塵老功名兩字太誤人
勝地登臨苦不蚤君不見南嶽之高高插天白雲萬朵

石汭詩鈔

卷十二

七

摩其顛琳宮梵宇甲天下座中列坐多羣仙人生曠達
徒爲爾苟無其時皆虛儼豈乏丘壑貯胸中幾輩芒屨
能到此天公與我清閒福有書日就名山讀狂來便儼
陟靈峰一豁吟詩千里目湘江九月風雨稀薄暖輕寒
遊更宜不須宛委發幽秘但願响屨探神奇歸來詩稿
定盈篋眼底雲山收疊疊莫使嶽靈冷笑人明朝便鼓
中流楫

述見

前谿灣復灣雨後白雲閒回首船來處夕陽紅過山

舟中望嶽

楚天連百粵，鬱鬱多煙瘴。一柱卓南州，特立空所向。昔聞此山中，一日千萬狀。九面色蒼然，回環入詩舫。峨峨七二峰，仰止神先王。前途幸不遙，臨流發高倡。秋空爛漫晴，敬拜嶽靈貺。

衡山道中

山縣風光似水郵，家家竹柳盡當門。桔槔響動千峰裏，萬頃黃雲互吐吞。

山茶亭

野塵不到處，小築艸亭孤。楓葉紅如染，蘆花白欲無。雲銷山骨瘦，石亂水聲麤。爲愛行吟地，家家有酒鑪。

謁嶽三首

宮門遙俯萬山開，鐘鼓皇皇殷晝雷。地鎮南維雄岫嶮，峰高北斗壓蓬萊。雲煙處處烘藏好，香火家家拜舞回。憶我多年勤仰止，布袍方幅快初來。眼前羅列盡兒孫，宮府森嚴近帝闈。萬里河山齊拱壽，三公名位獨推尊。朱陵王氣翔千古，紫蓋祥光耀八垠。爲訪靈臺高勝處，好從來往見天根。

荆鎮星占翼軫分南巡從此駐殷勤玉書金簡皆陳迹
鳳泊鸞飄有大文瑪瑙甕承千載露從巖臺掃萬山雲
儒生祇合低頭拜敢向庭前薦苾芬

大地一亭

路曲風千樹天低月一亭水回雙澗碧山裏萬重青

自南天門陟上封寺遂登祝融峰

秋氣何蕭爽山容次第分松濤寒似雪竹影澹於雲
鳥道凌空闢猿聲隔岫聞諸天蒼翠色到眼漸紛紛

歷徧山多少還來陟上封雲開知有路天近已無峰顧

石坊詩鈔

卷十二

五

盼輕千里扶搖定幾重不須夸勝覽高絕本吾得

俯闕蒼茫裏崎嶇路幾經腳根皆樹綠頭上有天青風
靜雲成海林疏月滿亭頻年勞夢想睡眠至今醒

宿上封寺

白雲深處暫停蹤已到瑤宮第一重地控百蠻連楚粵
天開九面簇夫容吟身高踞四千丈勝景全收七二峰
法界莊嚴通帝座果然南極是山宗

觀日

我昔泛舟洞庭中紅日出沒湖西東人生眼力不到處

坐使造化爲之窮登高一覽九州隘森羅萬象成虛空
七千七百七十丈踞其顛者稱祝融曷谷搏桑收眼底
夜半忽訝光熊熊披衣起聽天雞倡月色星影初朦朧
觀前俯視亦何有但見東海升霞紅紅霞倏忽互吞吐
光芒作作偈雙瞳升沈離合久無定如磨古鏡出青銅
陽鳥一躍萬山曉縱能仿佛難爲工始知海宇大莫測
區區日力焉能通此閒所見僅如此何怪下界眞夢夢
十二平初三日揭曉口號

昨歲會叨 聖主恩儒生事業敢輕論十年辛苦今

石汭詩鈔 卷十二

六

差副一破青衫舊涕痕

十二年前小秀才郎君年紀共驚猜雲霄遲我扶搏路

眊耗秋風四五回

送會伯醇

毓芳

落解之瀉寧幕兼寄鄧湘臬

顯

崔學博二首

秋風到客枕竟夕不成眠離別何堪久臨行一惘然病

軀輕遠道貧况誤青年自有神交在思君落日邊

鄧老今詩伯相逢劇偶然騷壇今近接此會卽神仙况

復偕羣季無才不惠連君行勞問訊良晤待他年

泊大源渡

幾日朔風初放晴
渡頭新月照牕明
臥聞落葉聲如雨
已過潭州第二程

歸家口占

高堂笑語慰華顛
猶喜成名在少年
老僕自夸占夢驗
鄉人爭喜得音先
牆頭帖換泥金字
裛底攜歸海嶽煙
招隱山前消息好
吟尊香滿桂花天

石沔詩鈔

卷十二

七

石沔詩鈔卷第十二終

石汭詩鈔卷第十三

寧遠楊澤闈

公車集

甲午乙未

赴禮部試由星沙抵漢陽已徧歲除訪晴川黃鶴

山諸勝流連者久之入春以來風雪嚴寒輕輿就

道吟興頗減渡淮後詩別為一卷茲編始甲午臘

月終乙未初夏日公車集

將赴試禮闈綦漁以詩贈行有莫因身健苦風

塵之句愛我有真情見乎辭賦畲二首

石汭詩鈔

卷十三

一

遽別先愁情話短相思莫遣夢魂凝遙知酒美花開後

定有追謹憶弟詩

莫因身健苦風塵此語從知愛我真差幸年來詩境好

長安風雪又逢春

舟中大雪

渡口朔風緊雪花飛入船疏林見葦屋日莫生寒煙

小艇橫江干欲渡疑無路漁翁冒雪來徧體白如鷺

雪後

雪後晴逾好湘江夜景澄殘楓敲敗艇枯柳冑寒曾月

色猶縣鏡霜威欲起棱東南天盡處嶽執認崢嶸

望衡嶽憶今秋之遊

遊興年年趁晚秋今秋初上土峰頭那知九面颿開處
又泛衡湘雪裏舟
夜泛
泛宅迢迢不計程白連天水雪中晴遙鐙乍閃朦朧眼
柔艣微聞欸乃聲月上征颿更已盡風欺客枕夢難成
湖湘吟興知多少猶趁寒宵載酒行

羸駝河阻風

石汭詩鈔

卷十三

二

朔風徹夜餓鴉叫陣陣雪花來打篷四五船家成小聚
兩三漁叟愛同工新醅滿引千盃綠宿火殘燒半點紅
炙研呵豪緣底事吟詩生活本無窮

大雪

滿空鸞雀白漫漫水淺沙平迤邐閒輕逐風頭飄過岸
濃如雲影失前山遠分茆屋江邨晚寒壓蘆篷釣艇閒
和靖詩情摩詰畫湖天一醉豁愁顏

苦雪

在家常覺雨風少出路難逢天色好十日江干九日雪

乾坤一色成晶皓泥鑪煨火寒不紅孤枕眠遲起常蚤
江流活活樹蕭蕭臘鼓驚聞歲將老篙工僵臥喚不醒
篷背珠塵聊自掃時晴佳想復何如聳肩坐待黃緜襖
湘陰
十日星沙道迢迢滯水程一舟兼雪簸雙槳與風爭城
偏岸頭盡天連湖口平漢陽雲樹遠翹首獨傷情

舟次岳陽寄懷棊漁

臘鼓鼕鼕破曉聞江鄉風緊雪紛紛故園屢別難爲客
勝地重遊苦憶君九面颿從湘口轉兩山泉在杖頭分

石汭詩鈔

卷十三

三

長安日近南天遠情話何時倚暮雲

登黃雀樓題呂仙睡像

昔年夢到黃雀樓大江東去雲西流置身天半俯無地
斗牛光澈風颼颼騎雀仙來拍掌笑兩人相隔千餘秋
朗吟飛去久不反年年湖畔多句畱手把鷓鴣杓足踏
鸚鵡洲人生祇有銷閒好爲君吹篷空牢愁君不見邯
鄲枕洞庭舟霜寒一劍酒百榼昔日少年今白頭我飲
君當醉我詩君應訓世人於我旣無與我於人世復奚
求蓬聲吹罷梅花落波光月色相沈浮我時睡覺紅塵

際仙凡境界畫鴻溝欲插兩翅奮天表眼底紛紛無與
儔今年浪跡過湖口身閒如雀輕如漚飛夢縹渺高百
丈重來此地澄雙眸江城歲晚多風雪我方豪興君躬
勦能詩莫學襄陽隱能畫莫作少文遊青蓮低首崔顥
句才气空夸橫九州前有古人後作者誰能衰手窮雕
鏤气吞江湖動星斗醉餘一夢六合周夢中來夢中休
仙乎仙乎抑夢爾茲樓萬載依山陬

夜坐晴川閣偶感

客裏晴初穩江邊雪未銷樓高鐙燄小歲晚鼓聲驕薄
石訪詩鈔 卷十三 四
霧張輕縠長虹架綵橋羊腸谿路曲魚饌水鄉饒此地
多塵劫頻年歎宋寥波光空蕩漾樹影亦蕭條傑閣連
城迴危欄近市囂洲荒鸚鵡背山截鳳皇翳短侶逢茶
社清歌起畫橈韻流風外遂響逐月中簫閣筆詩豪渺
傾筩酒伴招是誰佳話續獨我壯心遙遠道逾千里殘
年賸幾宵霜晨衾枕冷星夜鬢絲飄醉興拋黃雀吟襟
捲翠潮楚程來歷歷漢水去迢迢小住成陳跡安居際
聖朝近光欣尺咫焉敢說無慆

漢陽除夕

薄暖輕寒雪霽初岸梅欲放柳將舒悔教佳日忙中過
怎耐殘年客裏除餞歲鐙浮江夏市薦梓人餽武昌魚
夜闌莫作思家夢兩字平安報里閭

遊漢陽後湖二首

新春塵事少況乃客中居解事逢繙侶相邀到艸廬茶
香欣入社水淺未成渠四望青青色麥秧遙似蔬
爲愛湖山好笙歌隊裏來短亭依樹立疏牖對橋開漿
盞雙飛燕詞彈一曲雷仙風今已渺誰共撥新醉

小河谿蚤發

石汭詩鈔

卷十三

五

麥苗青裏隴梅香辨不明樹幾行四野柝聲驚旅夢
三分月色助鐙光馬經熟路常舒緩雞唱荒邨乍短長
回首白雲栖止地極天關塞總蒼涼

汝南道中

嗷嗷雞聲起催人蚤束裝朝暾寒似月殘雪薄如霜送
客盡爭吠辭巢鳥亦忙更饒清意味一路野梅香

蘭陽

蘭陽北去漸無山回首河流一綫閒十里垂楊征路曉
萬家明月戍樓閒吟思半爲衝寒減俗累偏因作客刪

白髮堂前驚歲晚計程日日倚柴關

濮州

橋霜店月夢念念攬轡初經濮水東雷澤煙波春浩蕩
歷山雲雨晝空濛艸荒雉堞鄆城古屋接魚鱗瓠鎮雄
靡靡新聲今已少披襟遙待大王風

沙鎮

星月空明際驅車夜漸闌乍晴三日暖將曉十分寒客
夢畱鴻爪詩情付馬鞦短隄殘雪在帘影隔谿看

蚤發聊城

石汭詩鈔

卷十三

六

似虎風狂甚驅塵過短亭柳絲盤地綠麥浪界天青酒
爲衝寒具車因問路停五更眠未足殘夢太零星

高車行

高車來何華鮮衣馬輕肥美少年少年意氣豪無敵百
萬金錢輕一擲童僕俊少羸戶騎一夕謹樂復一夕客
郎下店遲女郎上店蚤擋槽幾輩喧呼來伺客顧盼稱
誰好未見顏色好先傳姓字香修眉淺黛妙齡時琵琶
雅調今擅場客郎一笑掀簾入須臾羅列盃杵集淺斟
低倡爲客謹酒痕休怨青衫溼雞喔喔馬蕭蕭車聲絡

繹鐙光搖纏頭錦盡君請行曉風殘月仍寥寥高車去
何念促臨行牽袂笑相哭今宵各伴阿誰宿

野闊

野闊寒威蚤山深曙色遲
怒泉人語雜熟路馬蹏知到
眼花千樹逢郵酒一卮
客中吟興好多半在春時

十二連橋界任丘雄縣沿湖皆植柳
柳波光上下漁艇往來其閒風塵中
得此娛目令人作濠濮閒想率賦四絕

楊柳依依十二橋東風初暖雪初銷
長隄短陌春多少

石汭詩鈔

卷十三

七

處處人家有畫橋

橋南橋北幾郵煙
郵外波光遠接天
到晚征颿無出處
碧沙洲畔白雲連

湖水盈盈四面通
水心亭子靜生風
羨他漚鷺忘機久
夜夜依人宿短篷

水鄉春暖鯽魚肥
雙槳翩翩載酒歸
行客那知漁隱樂
風塵不涴綠蓑衣

積雪初融車行泥淖中
艱苦萬狀感而有作

滑踏響送輪蹏鐵常道
雨行不如雪雪深三尺
雪意關

朝瞰一刻疑秋熱忽聞冰水道
蹇蹙暫免元規塵鋪地誰畱士
行脣車箱泥搥客行忙
負塗處處開新轍前翻後擲
魚困溝左縈右繞蚓離穴
輿夫箕坐聲叱咤鞭箠焉知
馬汗血分明大道直若弦
奚啻邛岷阪九折馬煩車殆
我僕痛眉攢手束愁腸結
君不見雨雪霏霏載渴飢行
路之難那可說

縫窮婦

生長深閨中織織習女紅
自憐妾命薄敢怨夫家窮
夫窮或棄婦婦窮當養夫
紅顏不自保宛轉出蓬廬
朝逢紈袴兒莫遇貂裘客
含羞道旁問一見輕顏色
少年輕薄兒家貧無錢恐
被兒夫嗔兒夫今日醉何
處豈知路有縫窮人

跑冰

長隄風靜絕纖埃對面飛
車響似雷腳底鐵鞵猶未
卸兒羣都道跑冰回

出都

微雨溼征旂塵氛淨如掃
驅車馬行疾天氣清涼好
數月未出遊綠徧郊原
艸花殘旅館春尊酒開懷
抱回望

金馬門遙遙似蓬島

黃莊蚤發

膈膊雞聲裏前途問固安曙霞紅作障遠樹黑成團拂
面塵先淨披衣夢正殘纖纖頭上月猶挂碧雲端

固安道中

夕陽蒨店晚風寒戢戢桑陰十畝寬尤愛河隄新種柳
兩三行似竹檀欒

蚤行經趙北口

山光水色總天然北際南陲界趙燕餉鴨棚荒青艸裏

石汭詩鈔

卷十三

九

釣魚船老綠楊邊鋪沙作岸平如掌築土成橋輒似縣
萬樹雅聲聲不絕暖風吹起一郵煙

石門有子路宿處碑

一下高人榻猶傳吏隱居流風齊沮溺往跡問樵漁斷
碣塵封處荒塍艸長初皇皇今日事吾道復何如

麥旱

北地性剛燥種物宜菽麥灌溉恆不給所資惟雨澤去
冬雪太稀僅及見一白八春雨乍霑下土難盈尺炎炎
風力攻赫赫日影炙川澮泣魚枯泥沙壅龜坼青青茂

者誰莠艸滋阡陌檉椽何處聲農事窮籌畫側聞守土
賢籲禱切保赤庶幾造化心旣福潛更易我輩行路難
風塵徒役役故鄉知何如翹首雲山隔

曉出富莊駟二首

微漢互天際畏星光漸稀前郵燈明滅影似一螢飛
破夢出柴關蚤涼似殘暑車聲鞞鞞來響亂田盡語

漳南

晨裊漳南柳依人乍短長鳥巢孤堠廢佛占半祠荒蘆
影濃於麥城罽短似牆車箱剛睡醒風透葛衣涼

石汭詩鈔

卷十三

十

蘇駒故里

千金一顧豔名殊入座新聲自昔無白扇青衫歌舞地
風流應不數蘇駒

詠道旁松

南鎮橋頭路松濤五月寒陰濃青艸畔響入碧雲端乍
引清風奏如聆古調彈歸田幽興好計日得盤桓

倉頡墓

欲闡苞苻秘天教締造新義經同絕學秦火亦功臣迹
象窺蟲鳥精英動鬼神小儒麤識字低首拜前塵

端陽日東阿道中

觸熱紅塵裏迢迢遠帝鄉
麥車驢子健瓜架燕雛忙
山繞穀城碧泉分阿井涼
長途聊自醉淒絕此端陽

滕縣

綠槐濃處午陰涼
小駐征旂入醉鄉
山色萬重連岱嶽
河流一綫畫滕疆
火雲欲斂蟬初靜
花雨交霏艸亦香
井地縱橫祠宇肅
古情無限弔蒼茫

岔河

雨餘涼意滿平皋
共起犁鉏罷櫟樛
青艸隄邊車小憩

石汭詩鈔

卷十三

十一

綠楊邨畔井初淘
嶧山雲樹迷千谷
淮浦颿檣動萬艘
一段歸心閒未得
戴星披月總勞勞

宿遷書壁

艸艸投江店
燈昏月暗時
路生常覺遠
室潔不嫌卑
書劔頻年客
雲山到處詩
邨醪無美醉
鄉夢夜來遲

石汭詩鈔卷第十三終中

石汭詩鈔卷第十四

寧遠楊澤闓

大江南北集

乙未

渡淮而南買權維揚徧歷平山金焦諸境既乃漂
泊吳門姑胥閭闔之勝流覽無遺伏天炎熱避暑
武林之明聖湖其地環山瀦水近城市而遠塵囂
菡萏初開熏風時至朝尋處士之廬莫訪騷人之
宅興之所至篇帙遂多集大江南北詩一卷

淮陰駟

石汭詩鈔

卷十四

一

過江風信好孤艣下淮陰前駟方迢遞清流自古今人
煙城角少馬跡岸頭深指點來時路斜陽入遠林

平河夜泛

新雨艸初綠夕陽山更青渡頭無過客一鷺宿閒亭

山陽道中

正苦天炎熱清風送客過山重蒼靄合路曲綠陰多城
市低於岸江船小似梭臨流思濯足棗輿且高歌

秦郵四絕

江南艸長鷺飛候甃社湖邊載酒行愁煞照人瓜埭月

三更枕上鷓鴣聲

澤國春殘夏木陰，駟樓戍鼓夜沈沈。但看湖水白無際，

三十六陂雲氣深。

萬塘波軟日斜時，無數紅橋閒竹籬。莫向秦郵臺上望，

孟湖風色令人悲。

淮徐山色斷崑崙，淺水荒陂一望同。欲爲曹生添畫本，

蕩花白映蓼花紅。

露筋祠二絕

天教苦節尋常見，縱是么麼也殺人。蘆葦蕭蕭魂魄在，

石汭詩鈔

卷十四

二

聚雷無復到江濱。

野風颯瑟月黃昏，古寺牆邊舊水痕。幾樹青青田舍柳，

掉頭猶解護貞魂。

雜詩

葦屋三閒柳四圍，門邊新掃釣魚磯。淮南五月行人少，

雨細風寒鳥亂飛。

長短隄通裏外湖，澹青濃綠艸平鋪。五更月色涼如水，

苦竹叢中響鷓鴣。

召伯懷古

謝安鎮廣陵時於此築堞，民思其德以比召公故名。

絲竹東山韻。楸枰別墅秋。一身兼吏隱。小築動歌謳。遺壤風猶古。清淮水并悠。廣陵風月地。棠蔭憩行舟。

維揚懷古四首

長淮東竝大江流。今古繁華第一州。明月二分揚子渡。春風十里賈家樓。蜀岡雲樹都如畫。隋苑煙花不管愁。底事鬻金更騎雀。但須盃酒作句留。

蕪城西畔帝王家。雲捲旂旗駐翠華。一自雁歸長阜苑。更無人上玉鉤斜。東都事業隨流水。南部笙歌問落花。惆悵雷塘風雨夜。白楊蕭瑟起宮雅。

石泐詩鈔

卷十四

三

丘山零落幾干戈。芳艸年年怨綺羅。廿四橋邊遊子路。十三樓上麗人歌。瓜洲鐙火連空遠。京口颿檣向晚多。萬弩潮聲仍似舊。西風愁殺老銅駝。

大江南北路紛紛。山色湖光望裏分。談客漫逢崔秘監。賦才空憶鮑參軍。章臺宮冷餘衰柳。甲仗樓閒倚暮雲。千載風流尋小杜。竹西歌吹忍重聞。

平山紀遊

小泊維揚岸。江清暑氣無。繁華傷往事。雄麗說名都。奇甃吞江海。全形控越吳。所嗟遊興壯。難免客心孤。忽憶

平山好曾看舊畫摹遺蹤勞想像佳景悵模鋤問路循
城址披榛向水隅樵筮歌隱隱涵浦倡于于槩急飛雙
燕衣涼勝五銖牀頭安筆枕船尾載茶鑪潑刺魚堪數
閒關鳥自娛管弦邀女伎簫鼓雜神巫何代新園闢今

隣舊院蕪

倚虹小
虹諸園

落花敲蝶翅芳艸戀蠹須斷岸谿疑

盡沿隄路更紆遠瞻亭突兀近露坂崎嶇卉木迷吟眼

煙霞萃勝區剝重千嶂護牆圯一峰扶竹翠開三徑松

蒼接萬株

堂前有
萬松嶺

到門傳剝啄壓頂見浮屠拾級僧能

引捫蘿僕共呼絲長縈黛柳錢小疊青榆荷蓋圓如翦

石坊詩鈔

卷十四

四

梅身老未枯蕙蘭芳靄合柏栝翠陰敷傑閣勤攀陟幽
廊息步趨雨連淮浦沒雲帶蜀岡趨短砌珠穿螳低欄
網綴蛛藥闌巢乳燕苻沼浴輕鳧玉液傾茶盃瑤漿倒
酒盃煮泉皆妙品調水有新符山果珍櫻杏江鮮出鱖
鱸追隨添衲侶迎款到香廚小住爲佳耳茲遊信樂乎
暫來猶仿佛欲別重踟躕更有新臺榭兼收古畫圖文
章裁別樣堂構啟宏模外列參差岫中藏歛灩湖波心
牽碧藻石齒戰叢蒲入坐泉聲細支橋石相臞雀亭消
舊俸魚國豁全租六一風流在滄桑世變殊東山儋謝

傅孤嶼近林逋藻繪畱宸翰編摹仰聖謨室更劉子陋
谷異柳公愚此會知非偶相思信不誣紀時憑渚芟反
櫂入江蘆皓月當頭是清風雨袞俱未能題詠徧祇爲
滯征途

平遠樓

漫教猿雀費驚猜仙舫都因選勝來谿路曲隨千樹轉
寺門遙俯萬山開拂牕雨潤滋苔蘚繞檻風清引竹梅
好展生綃畫平遠眼前追取莫遲回

湖上艸堂

石泐詩鈔

卷十四

五

十里荷花路來過湖上堂檻前波浩淼雲外樹蒼茫讀
畫尋僧壁亭泉就石廊坐疑仙境闢孤嶼矗中央

九曲池

誰教翻曲少回聲水調當年亦九成腸斷木蘭亭下路
晚蟬無語亂鼃鳴

長春嶺

我昔錦城閱歲華十里五里皆梅花清風兩櫂遊香海
船無四壁花爲家又聞大庾嶺頭梅南枝向暖先春開
客來貽我數日本花時對賞爭傳孟古人愛梅有真訣

氣清格老精神潔，要知開落闔星霜。豈徒芳華傲冰雪，
長春嶺上行人少。柏翠松蒼萬株繞，梅雨初過花事闌。
吟邊惆悵香魂渺，回首風亭月觀時。凭肩私語有誰知，
遊人若問興亡事，折取梅花三兩枝。

倚虹園

九曲池邊古徑迂，名園無主日荒蕪。雜花鋪檻豔於錦，
野水入牆平作湖。臥倚長虹幽興好，談深短麈惠風俱。
每思杖履常來往，安得浮生一事無。

瓜州夜泊

石訪詩鈔

卷十四

六

一夜瓜州雨，顛風斷渡何。樓船鐙影暗，海嶼樹聲多。遠
寺殘鐘出，寒潮敗壘過。時清無戍角，不寐但聞歌。

渡揚子江二首

乍明天色似黃昏，島嶼颿檣互吐吞。雲裏漸分孤塔影，
雨餘難認舊潮痕。蛟龍窟穴空沙壘，鷺生涯近海門。
莫問楊花楊葉渡，離亭風晚最銷魂。

峭颿無力渡舟輕，終古寒潮怒不平。白浪欲沈京口岸，
青山遙指潤州城。吳王臺榭三千弩，魏帝旂旗十萬兵。
南北舊稱天塹險，英雄遺策尙縱橫。

登金山

蜃氣樓臺萬丈開，瑤島卽蓬萊。波光白瀉銀千里，

山色青浮玉一堆。

一名浮玉嶺

星斗直疑天字落，雨風遙對

海門來。長鯨背上金鼇頂，仙袂何從著點埃。

江天閣

昨登平山堂，眼底眾山小。今來金山遊，四面波光繞。欲探山水奇，所在凌空矯。岩崑江天閣，飛甍連縹渺。下鎮吸浪鯨，上捩摩雲鳥。浮沈島嶼閒，煙雨入昏杳。靜坐息塵緣，尋詩循樹杪。萬籟宋無聲，塤鈴音了了。夕陽瓜步

石汭詩鈔

卷十四

七

明颿影知多少

焦山值大風雨放歌

造物無奇必有耦，奇觀盡落詩人手。金焦兩點何兀然，天教對鎮東流口。我從金山望焦山，塤頂高寒犯星斗。俯視茫茫一萬重，煙中稍辨昆侖阜。扁舟直駕靈鼉行，蛟龍伏浪相呼吼。海門關闔風爲顛，波光出沒驚牕牖。兩山欲劈大江流，一江竟負兩山走。不辨身從何處來，金山轉落焦山後。老僧大笑客眼迷，爲余煨芋傾陳酒。世人到此良亦稀，打頭浪惡難禁受。縱能冒險能幾回。

眼底有詩須記取憶余年少客天涯
芒屨處處恣騰踈
登山觀海事更奇衣上征塵重抖擻
得閒且作汗漫遊
愜心莫厭句畱久風恬浪靜歸去來
逢人笑說柳生肘
劇郡東南會孤颿迤邐閒斜風分潤浦
落日見焦山向
晚濤聲壯遄歸客思閒滿沽京口酒
直下海門關

登常州天寧寺樓

叢篁翠柏前朝寺錦纜牙檣萬里舟
諸佛莊嚴僧共老
亂蟬蕭撼樹先秋上方鐘磬林閒出
六代江山檻外收
石泐詩鈔

卷十四

八

高橋

一夜廉纖雨江天氣欲秋矮颿橫斷浦
涼篷出輕舟綠
柳橋橋岸青山寺寺樓艤舟亭外客
魂夢繞常州

無錫小金山

夫容湖上捲輕鬟環翠樓邊灣復灣
欲渡長江怕風浪
眼前仙境卽金山

慧泉山

東南山好皆明秀百道飛泉競犇湊
雲根巧鑿厓方開

雪花噴薄玲瓏竇古人品石勝品泉色相先參瘳漏透
但教屹立絕依傍類之澄波滌塵垢袍笏拜呼石丈人
偶思煎茗謀他就固知人世恨事多濬泉鑿石無佳構
此山芟闢自何年壘嶂崕呀錯雕鏤我未亨泉先煮石
寒流凝玉真堪漱定鑿素綆傾瑤漿曲檻彫闌環銀發
遂令點綴發新奇帶映泉原來左右子昂書法世所稀
名標五字嵌岩岫趙子昂天下第一泉五字鐫壁上上皇翠輦再三巡
漪瀾亭畔篇章富不須共酌雲母甜已堪遠勝雨亭雷
千秋萬載清復清慧泉直竝丹砂壽

石訪詩鈔

卷十四

九

聽松盒

客隨好風來靜坐青蒼裏欲去畏塵煩此音能洗耳

竹鑪山房

竹影濃如許無風夏亦涼野僧能款客睡起茶甌香

第三泉

半生未解茶三昧呼吸清風亦偶然從此著經堪入手

後先亨到第三泉

泊楓橋

遠樹荒雲色孤舟路欲迷鐘聲傳渡口人語入橋西灘

淺漁簪靜林深畫閣低水鄉紈綺曲空聽子規曉

閨門漫興

香雲蔌蔌搯仙舟徹夜笙歌鬧不休翠羽明璫爭掩飾
蕩絲冰雪鬪輕浮箏聲細繞珊瑚柱簾影低垂瑋瑁鉤
月色星光俱黯澹彩鏡空照碧波流

虎丘

選勝遊虎丘維纜江邊樹危磴盤雲煙幽澗生風雨巉
巖劔池旁疑有蛟龍舞鐵花青繡壁四面崇臺宇循環
坐梵廊林靜聞鐘鼓遊人時去來車馬紛難數寶蓋攬

石坊詩鈔

卷十四

香鈿芳尊宴簪組富貴能幾何瓌侈相夸詡昔年霸圖
雄今作繁華土試登闔廬墳苔髮綠亦古

生公講臺二首

法相超支遁生公老辯才手中紅雨散舌底白蓮開落
日聞齋鼓清風度講臺池邊頑石在曾是點頭來

誰解拈花笑澄潭證此心龍歸青澗曲雀老白雲深欲
問三生石如聞百衲琴幾人遊臥處苔綠上吟襟

五人墓

白蓮涇畔劔池東碧血斑斕馬鬣崇國運豈能窮義士

人心爭欲殉孤忠，詔書急切摧公憤。
緹騎倉皇辟鬼雄，普惠祠荒秋艸裏。
陰靈白日走悲風。

吳閶權歌四首

末利香殘燕尾分，翠鈿斜鞞鬢如雲。
金蓮瓣小無人見，特地新裁短絳裙。

十里明珠耀采鈿，鐙光欲競月嬋娟。
試看五十三橋影，不照清波那得圓。

水上欣無醉尉訶，客郎休問夜如何。
儂家自有琵琶觴，虎阜鐙寒載酒過。

石泐詩鈔

卷十四

十一

古芻纍纍傍水隈，低牆一半沒蒿萊。
酒波空羨如淮好，不醉六朝人一盃。

吳江

醉徧三吳地，朝朝落墨酣。
江清連白蜺，桑老熟紅蠶。
久客嫺篙艣，孤舟絕笑談。
水關檉柳曲，一樣綠參參。

泊平望鎮

平望鎮前灣復灣，過江風靜片颿閒。
軟煙冪歷渡頭路，細艸芊緜湖上山。
岸遠青連天一綫，橋長低映月雙環。
夜深舟入葦叢泊，時見幾行漚鷺還。

塘西

一鑑盈盈漾翠漪
澹風輕雨恰相宜
小舟欲泊不知處
日莫塘西聞竹枝

盤壩行

珠泉壩高二丈許
壩下水不盈尺舟至此無路
可達兩旁豎木柱
巨纜旋繳而上俗謂盤壩戲

作是詩

林環谿轉忽無路
一道石梁水交注
從流下者性使然
天梯陡駕欲飛渡
伊伊軋軋翻犖犖
犖犖橈橈喧
雨木飛袞螳旋磨
長條分挽百夫屯
輕船如魚泝灘水
船梢下伏船頭起
幾人危坐魂飛揚
正恐食時猶喪七
人心機變真難窮
舟車所至無弗通
明朝歸買錢塘榷
快哉破浪乘長風

煙霞嶺

平生未少煙霞興
今到煙霞第幾重
回環九谿十八澗
坐對西湖南北峰
泉石琮琤瀉珠玉
樹枝蟠屈走蛟龍
厓前一步一回聽
下界才敲午後鐘

西湖四絕

不愛探梅孤嶼去底須折柳斷橋來蓮花蓮葉湖心路
雨細風寒醉幾回

蘇小墳邊艸色荒年年歌舞盡千場遊人莫問花神廟
粉墮釵零總斷腸

楊柳青青第六橋不緣離別也魂銷花家山下蒨家埠
畫舫笙歌路幾條

雙槳輕於水上鳧外湖遊徧日將晡紅闌艇子爭先買
明日相要到裏湖

湖上漫興

石汭詩鈔

卷十四

三

天教雨態爲晴態人愛山光映水光南峰北峰高過眼
紅蓮白蓮開滿塘粉粧二八當鑪女畫舫兩三何處郎
問訊短隄楊柳樹翳支低舞爲誰忙

風篁嶺

好風因客到幽韻與泉分綠徧千竿竹清環一片雲
嶺上有石玲瓏萬狀俗呼一片雲晚天成碧落涼意豁南熏儼就僧同榻
長來對此君

新荷

最好湖心五月中波光潏灩出嬌紅葉雖尙小能鳴雨

花自生香不待風西子穠成宜半面百盃吸盡有新筓
急須歸趁南熏候徧賞池塘千萬叢

岳忠武王墳二首

中興王氣銷沈盡猶說偏安事可羞自古賢奸同此局
已分成敗亦終休班師詔下無生理戰虜功高未白頭
四字精忠三字獄汨痕何限灑荒丘

落日悲風黯古祠墓頭空長向南枝江山文采情何限
兒女英雄事亦奇奸相蚤窺庸主志中原徒望使君旗
六陵莽蒼今安在問訊石人知不知

石汭詩鈔

卷十四

七

林處士故廬

梅花雀骨兩清妍處士家風絕可憐名姓政應傳隱逸
湖山大好作神仙林煙不斷迷孤嶼菊盞將秋薦古泉
葛嶺蘇隄遊興徧此閒小住亦翛然

湖心亭

權入湖心蓮葉分亭邊遊舫到紛紛好山青作四壁畫
野水白如一段雲老雀健從孤嶼落遠鐘疏帶晚風聞
浮生安得侶漚鷺日日清閒臥夕曛

子夜歌

朝共妃央起莫共妃央宿妃央自妃央不解儂心曲
昨日見郎面郎心儂不知祇憐雙蛺蝶故故傍人飛
采蓮復采蓮妾似蓮心苦蓮底蕩何如問郎郎不語
人言儂似花郎道新開好兩意非所愜花新不如老
種妾門前柳繫郎湖上船別家休誤入妾住裏橋邊
夕陽下雷峰畱歡歡不住願儂船底流流送歡船去

西泠晚歸

沙青嶼碧水牕虛閒理綸竿學釣魚雙槳劈開菱葉路
一篙撐出蕩花居亭邊有客同招雀湖上何人更跨驢
石泂詩鈔 卷十四 五
晚向西泠橋下過好風吹送月來初

西湖夜遊詞

朝脫千金駿莫解紫貂裘買船換美酒載妓西湖遊明
牕四啟風波靜琉璃倒影入清流舞衫歌扇綺羅席末
利春殘香滿頭采蓮曲采菱謳銀箏切切玉筍滑歌聲
宛轉喧行舟行舟來往紛無數占盡橋南橋北路金盃
銀缸頃刻空沾春更向湖東去烹鮮斫鱸重開宴一夜
豪華盡于變安得畱連花月中年年人面如湖面

八景之目所在有之大都時與地宜因其時以

紀其地比事屬辭亦志例也然往往名不稱實
覽者譏焉錢塘舊志八景曰六橋煙柳九里雲
松靈石樵歌冷泉猿嘯葛嶺朝暎孤山雪霽北
關夜市浙江秋濤其地半屬西湖皆極遊娛之
盛略觀大意各志短章未能免俗聊復爾耳

是煙是柳那能辨數到青青第幾橋此景記從何處見
有魂都在箇中銷新姿綽約迎雙眼往事風流憶六朝
祇有亂蟬閒不覺共爭微響托高條

水邊未滿三分竹橋畔猶饒九里松蒼翠暗通靈竺寺
石泐詩鈔 卷十四 六
濃陰晝隱白雲峰日光射地鋪金骨風籟喧天吼鐵鐘
到晚江潮迎面起萬枝交雜舞蛟龍

靈石山頭路幾盤丁丁樵斧落雲端林閒反照清歌起
洞口回風細響寒叫雁唳猿思共冷哀絲豪竹興全刊
依稀孺子滄浪調聽倚湖亭水面寬

峰外雲林畫作屏夕陽初下冷泉亭呼風猿父隨僧到
刺水魚兒共客聽此際漫霑巫峽泪前生應解梵堂經
晨鐘莫鼓禪門靜結伴憐渠夜不扁

旭日初升葛嶺東雲霞交映海門紅宿煙羃歷衝風起

曉氣氤氳帶雨烘，城郭丹青增絢爛。樓臺金碧幻玲瓏，朝陽幾度臨高曠。到此真教萬景空。

老梅消息近如何，蠟屐衝寒上石坡。放雀仙風生遠嶼，

騎驢人影入清波。光連斜港金沙碎，色映晴橋玉帶拖。

金沙港玉帶橋皆連屬孤山遙羨艸廬栖隱樂，開牕閒對一吟哦。

闐闐喧闐夜啟扉，金吾無禁鼓聲稀。一帘涼月沾春到，雙櫂清風買醉歸。流水暗催弦管韻，紅燈遙映綺羅衣。卽看城市昇平景，翻笑林泉秉燭非。

銀鐵錚鏦萬馬攔，天邊雄峙海門雙。洪濤遠注東西浙，

石汭詩鈔

卷十四

七

逸氣全吞上下江，八百平湖秋共朗。三千彊弩執寧降，張颿候信人多少。好借長風送客艤。

登吳山觀錢塘江潮

洪濤一綫天邊落，飛花袞雪浪交作。南龕北赭岸門偪，

兩山隱見連嶺窄。如箭離弦鳴瑠弓，如劒出匣瑩寶鏢。

又如匹練互穹表，霜雪灌澁冰洛澤。頃刻潮頭兩岸排，

飛沙震海千峰愕。欲來不來若推挽，欲上不上或前卻。

對壘遙疑犀角分，衝鋒驟訝鮪穴拓。如舉旗幟如揚鑣，

如搥帷蓋如徹幕。颿檣戢戢互澎湃，艘艦峨峨相驚懼。

海島何來萬馬嘶曲江奚止千人愕
鹿鹿混混怒聲并
雙厓陁墮一峰削中央璀璨玉爲堆
直破天門光嶒嶒
朝宗萬里萃波神傾倒三山矜海若
挾濤竟逞尹公驕
使潮更苦陽侯虐三千彊弩水犀手
霹靂驚天弓始曠
吳山之高高百丈宮闕華麗飾丹牖
壯觀方喜客心閒
危機坐駭風波惡海塘捍禦力難支
日日奔激過城郭
觀海因知爲水難六合以外尤虛廓
浮查棗桴兩不能
徑思踏浪雙赤腳

石沔詩鈔

卷十四

六

石沔詩鈔卷第十四終
共五十一
入對
風
出
此
卷
終

石汭詩鈔卷第十五

寧遠楊澤闈

吳頭楚尾集

乙未

曲江買權由嚴州金華達衢州之常山界廣信玉
山縣屬江西由廣信南昌抵袁州之萍鄉界長沙
醴陵縣屬湖南攷南昌禹貢揚州域春秋時吳西
境戰國屬楚今江西固分吳楚地而有之者也方
輿勝覽云豫章之地爲楚尾吳頭故是集名焉中
閒迂道廣豐寓家叔祖鑿泉先生署中凡六日玉

石汭詩鈔

卷十五

一

山有河達廣信萍鄉有河達醴陵旱甚水枯舍舟
循陸觸熱還家葉落知秋矣東坡云客行萬里半
天下可識也存詩六十二首

雨泊富陽江

蚤趁潮頭去無風浪接天江清殘夏雨人上富春船山
市通幽港漁燈黯夕煙葦邊漚夢熟掩卷亦高眠

將有豫章之行適瀘谿盧籟亭

諷

孫壽垣

丙章

兩孝廉亦來同舟意甚款洽籟亭贈詩有扁舟
有意隨張翰流水無心遇伯牙之句因和其韻

旅館頻年閱歲華輕舟又逐浪中花熏風爲我披襟褭
豔雪從君吐齒牙伴宋喜逢人對榻談深覺少夢回家
等閒耗耗休相笑日日題箋醉墨斜

歸舟寄里中諸子

生平遊興豪愛山如愛色名勝徧寰區欲至苦無力家
居傍丘壑亦足資偃息亭榭風月佳日日飛醉墨本乏
用世才難奮冲天翼一朝別湘南半載客燕北長安冠
蓋紛到老歸未得豈不志敖遊富貴常相偈天公假我
閒趁此頭上黑行樂少年時千金爭一刻魚潛亦孔昭

石沔詩鈔

卷十五

二

鴻飛不可弋願言迤邐歸在在窮攀陟寄語山中人毋
爲長相憶

桐江

桐江之水天下無宛如素女弄明珠八九尺深清澈底
朗然吾亦見真吾輕篙落手苻藻滑雙槳來去如飛鳧
小魚瀟灑戲明鏡網師不到真無虞夜深月色上峰岫
寒波澹澹清光俱

八壠

脚底一水流眉際兩峰聳中程頓改觀牽舟八峻壠屹

嶠厓角陰未見神先悚
絳若斤斧施蹀類沙泥
壅松盤綠鬱葱艸長青
蓊茸石怒欲攫人樹列
皆成拱灘頭珠亂跳蝦
魚互翻涌遠疑風雨喧
近訝泉石洶巨纜角礫
兀前後聲交詢反側礙
簸揚顛蹶同駕蹇低首
庫蓬中出入如蠹蛹雖
非載石輕猶異束裝冗
遠夢憶喜謹孤舟泣惶
恐擬施縮地術一振拔
山勇逆流化坦途來者
欣接踵

嚴先生祠

豈爲浮名謝簪組詎甘釣隱作沈淪
懦頑百世聞風起石泐詩鈔
卷十五
三
俎豆千秋奉祀新高尙愈成
天子貴下交偏戀布衣真
漢家自有雲臺將點綴江山也要人

戲題釣臺

石壁參差萬仞開不緣作客那能來
大家都似先生掾更有何人上釣臺

舍舟由鷓鴣原步至扁柏

舟行覺岸高岸行覺舟小上舟如退
蛇下舟如飛鳥灘惡篙屢折山曲路
常繞緩步隨鳴榔林閒見梳杪助牽
苦力乏邪許聲相擾夕陽執愈驕欲
憩尋幽篠有洞窅

然深亭閣丹青繚古蔭護嶙峋奇觀探窈窕風過芝朮
香雲迷磬鐘杳下山舟已泊短檣依蓬蓼臥看烏雅飛
月出東方燄

謝臬羽墓

不惜千金產來班萬里師安危臣節繫歌哭老天知突
兀凌雲石荒涼臥艸碑但聞巖瀨水鳴咽有餘悲

蚤梅江山船妓也與籟亭舊相識今夏偶遇於
巖州道中隔牕相見一語未竟而別爲之悵然
賦此戲用籟亭見贈詩元韻

石泐詩鈔

卷十五

四

眼中漫說老無花及見仙人萼綠華忽訝微波凌素鞞
記聽小曲拍紅牙邀來明月共千里別後春風又一家
烏石灘頭水清淺隔牕空認影橫斜

蘭谿蚤發

處處聞灘險迢迢上水來夢緣孤睡穩船趁蚤涼開樹
密煙如織山高岸欲積漁翁先客起結網入雲隈

籟亭謂余不可無江山船詩戲倡四絕

桐水明如鏡吳山碧似梳年年頭上髮對鏡復何如
妾如弄潮兒水上生涯好錢塘潮去來知送人多少

昔聞峽猿叫哀怨白人頭爭似琵琶好年年越女舟
生長妾家船見慣風波險但恨秋夫容衰顏照粧臉

盈川塘

水上斜陽淺澹紅乍澄吟眼傍孤蓬寒泉雜樹幽人畫
白屋青山太古風野堠荒疑僧宇廢岸花穠照客船空
故鄉未必能如此徑合移家住此中

平湖灘

晚煙深處白漫漫湖面初平水面寬
堦影尖尖新筍立波頭蒨蒨萬花攢
上灘愈覺順風好久客方知行路難

石坊詩鈔

卷十五

五

酒美魚肥吟興足浙西山色臥來看

泊浮石灘望雨

風卷荒煙出遠林火雲初斂日沈沈
船家畱滯農家早一樣殷勤望雨心

衢州水不盈尺灘愈難上

輕裝閒泛上瀧舫畱滯方知作客勞
鹿水靜沈雲閣聳龜峰雄壓女樓高
谿邊野碓犇泉驥岸上人家挂壁猿
到處甘霖勤籲禱征途落日首空搔

由常山至玉山

水駟山城路幾千輕舟行復換征鞭回環絮起平隄柳
淺澹花開野港蓮大地但看人似海長途翻恨日如年
世閒塵夢知多少欲借邯鄲一枕眠

宿玉山縣

野水荒城外林陰策馬過斷雲孤堦迴落日亂山多晚
市人爭渡長途客廢哦夢依懷玉嶺歸思入煙蘿

廣豐道中

落日下平阪蒼然山四圍水寬偏易涸雲散各低飛秋
氣晚蟬覺暑天行客稀甘霖期滿望安穩挂颿歸

石訪詩鈔

卷十五

六

途次感懷

萬物徧兩閒地天資覆載雨暘燠寒風各各成功退炎
威胡太熾六月驕人能引領望天末豈無雲靄黷屢遭
羊角狂頓彗魚鱗碎有田孰耕穫無地容芟刈機停渡
口車響宋谿邊碓井井阡陌閒莠惡滋榛蕨老羸涕泗
多暫乞鄉隣貸貸爾我則無皆云力不逮棄家謀遠徙
流離無定在兒女或擔挑斑白各負戴溝壑幾千人感
事增長嘅西江古富饒農事無荒廢奇貨集舟車利藪
開闢闌年來災游臻水旱如相代秋歉冬愈飢隄決川

仍潰嗷嗷澤鴻哀可一胡可再我從京都來馬首瞻泰
岱蒿目齊魯郊春祈秋無賽買舟下江南漂泊過瓜瓞
屢見蝗蝻飛不聞鼃黽吠家家禱雨壇符酒空沃酹百
貨價騰昂斗粟勝璣琲觸熱兼水陸煩悶頗難耐黃塵
白日忙自顧慙襪襪豈憂客鬢蓬忍看民色菜盜賊起
饑寒佩犢或縣耒惻惻道路旁我心亦孔疚

廣豐署中喜晤家鑒泉先生時自瀘谿權篆斯

邑

偶聞鄉語抵還家半載風塵路已賒梁棟新材評杞櫨

石訪詩鈔

卷十五

七

時新葺
署齋

文章餘話及桑麻世情甘苦多諳練宦海浮沈

總歎嗟相見乍添雙鬢雪驚心我亦富年華

訪王有道先生祠墓

今古才何限先生得地奇人過進賢里山繞校書祠郭

外秋風蚤墳邊落日遲靈谿遺卷在誰與和新詩

先生
名貞

白乾寧進士有
靈谿集七卷

月夜從叔子安邀同徐秀三

芝蕪

茂才散步至

通濟橋欲往西山道觀不果宵分還署雜綴四

詩

客跡元無定，棄幽問水西。
樹高先受月，石亂不成谿。
遠浦漁燈碎，平疇稻穗齊。
竹林經歲別，此境亦鴻泥。
僕憊猶更事，欣然載酒行。
談深雜鬼語，樹少落禽聲。
望遠情何限，登高眼乍明。
好詩吟未得，多恐夢魂驚。

荔蔚城西觀雲邊，點翠羸幾人。
商去任良夜，惜蹉跎綠野。
尊前合青山，郭外多高僧。
能好客，相約載琴過。
夜氣入城覺，月光到地稀。
雲閒聊反岫，露冷忽霑衣。
吠犬沿郵接，驚鳥市樹飛。
吟邊鄉夢少，我已澹忘歸。

抵廣信大雨

石訪詩鈔

卷十五

八

天教一雨淨煙鬟，舟轉灘寒迤邐閒。
明日挂颿風定好，掀篷飽看信州山。

河口夜泊

野雲黯澹已無色，遠水荒寒時有聲。
江石白疑鹽虎聚，市燈紅訝燭龍明。
醉鄉慣與睡鄉近，客夢常兼詩夢清。
晚聽街頭報更鼓，徑思鼓柁犇前程。

河口換船戲謝舟子

慙無長物也，零星書擔茶。餼竝酒瓶他日儻能重，識面過船人是舊居停。

北馬南船路幾千
羸夫舟子亦因緣
相逢莫道如萍水
說著臨歧總黯然

性命真勞萬死爭
布颿無恙駭波平
權歌一曲新成誦
記否江山遠客情
我未中年學壯遊
輕裝到處足句畱
東船西舫如相問
有客迢迢過信州

龍門第一關

五大字鐫
石壁上

好風隨送水彎環
穩度龍門第一關
與客共談山水勝
舟人偏得片時間

石坊詩鈔

卷十五

九

童山

童山兩岸排如遊
眾佛國佛頂豪髮無
圓光淨堪拭出
各具一形化身千萬億
如笑復如嬉
變態頗難測
舟行峪瀧閒一龕
同彌勒昔年客益州
崖壁窮崩劣凌雲
雨際遊奇勝猶堪憶
今從淮海來
巨壑資琴陟飽看浙西
山不數江南北
迢迢信州程所見
尤奇特默記過眼峰
都非舊相識
藉充奚囊儉妙句
工鐫刻臥遊儻有夢
更入婆娑域

七陽

雲氣沈遙岸風聲挾莫濤
增來知縣近水落覺城高
迢遞輕千里安危仗一篙
軍陽山在望相對漉新醪

貴谿

石怒欲飛舞谿流時淺深
近城仍野泊得酒亦孤斟
鬼谷傳遺洞人聲雜莫禽
眼中龍虎氣山色久銷沈

夜經餘干

午後風狂敗興多歸程日
日歎蹉跎開颿忽訝繁星
見對酒真宜白雪歌世事
與雲隨起滅壯心如鐵漸
銷磨今宵孤負閒蹤跡餘
水千山夢裏過

石汾詩鈔

卷十五

十

瑞洪題張睢陽廟壁

錚錚三十六人中保障江淮
第一功殺到美人無餒氣
說降賊將仗孤忠生前目
已空胡虜死後魂應作鬼
雄遺廟巋然靈爽在可無
盃酒酹江風

遇風抵南昌舟泊滕王閣下

一篷橫空去孤颿劃莫煙
雨疑船後逐風到晚來顛
稍慰歸心疾終嫌客路牽
臨江高閣在游興已翩翩

滕王閣懷古

王郎一序傳千古遺閣登臨亦壯哉
勝會已憐成往事

巨公元不薄，眞才霞光雲影秋。同淨畫舫珠簾雨，欲催
萬里關山萍水客。且憑仙館一銜盃。

雨中對西山

珠簾欲卷莫江寒，一帶青煙捲碧鬟。怪底詩成多畫意，
好山全在雨中看。

失路八百花洲偶成二首

花光雖少綠陰稠，六月清涼宛似秋。不道城中環曲水，
徑從湖上得芳洲。隄邊繫馬尋歌舫，橋外逢僧問酒樓。
客路生疏慙襍穢，黃塵白日暫勾留。

石坊詩鈔

卷十五

十一

八座風涼透葛衣，偶耽佳興亦忘歸。荷花十里鷺爭浴，
楊柳一隄鶯亂飛。各有詩情人語索，頗無俗事客來稀。
春時賞花仕宦
家多宴集於此天教讓與西湖勝，祇少青青山四圍。

東湖謁宋處士蘇雲卿祠

高人蹤跡不嫌孤，曾拜梅花認老逋。道得箇東湖蘇處士，
宵將風月讓西湖。

有贈

凝睇含顰倚繡屏，相思無語惜娉婷。酒場逢我同顛顛，
歌館憐渠太寧馨。畫扇索題雙袞翠，旅牕分手一燈青。

巨公元不薄，真才霞光雲影秋。同淨畫舫珠簾雨，欲催
萬里關山萍水客。且憑仙館一銜盃。

雨中對西山

珠簾欲卷莫江寒，一帶青煙捲碧鬟。怪底詩成多畫意，
好山全在雨中看。

失路八百花洲偶成二首

花光雖少綠陰稠，六月清涼宛似秋。不道城中環曲水，
徑從湖上得芳洲。隄邊繫馬尋歌舫，橋外逢僧問酒樓。
客路生疏慙襪襪，黃塵白日暫勾留。

石坊詩鈔

卷十五

十一

入座風涼透葛衣，偶耽佳興亦忘歸。荷花十里鷺爭浴，
楊柳一隄鶯亂飛。各有詩情人語索，頗無俗事客來稀。
春時賞花仕宦
家多宴集於此天教讓與西湖勝，祇少青青山四圍。

東湖謁宋處士蘇雲卿祠

高人蹤跡不嫌孤，曾拜梅花認老逋。得箇東湖蘇處士，
肯將風月讓西湖。

有贈

懷西山

凝睇含顰倚繡屏，相思無語惜娉婷。酒場逢我同顛顛，
歌館憐渠太寧馨。畫扇索題雙袞袞，翠旅牕分手一鐙青。

風塵定少知音客何日鷓鴣弦許再聽

道中詠水車

人巧還思物力兼偶分涓滴莫傷廉轉關曲似穿珠螳
進步難如上竹鮎豈爲求伸嫌螻屈願教勿用作龍潛
蒼生自有雲霓望佇沛滂沱萬頃霑

樟樹鎮王文成誓師處

賊眾猖狂日南天半壁危文臣甘效死壯膽卽專師血
泪增慷慨風雲佐指麾英雄兼理學真不愧須眉

臨江舟中紀事

石泐詩鈔

卷十五

十一

人生十事九失意神鬼揶揄等兒戲臨江河水僅容刀
忽訝風波起平地駭浪衝沙走千里舟欲下沈沙聚底
沙聲閣閣舟執橫沙欲下流舟不起鐵錨落水水爲浮
箬篷飛散若輕漚舟人得此復失彼一笠遠墮江之洲
明知此地無他變生死關頭殊戀戀天公欺客太無聊
何似颿風與安便

卽事

雲影星光時有無寒風獵獵吹菰蒲呼童抱甕過江去
小市盡頭無酒酤

新喻舟夜

客舫蕭然四壁空
書牕琴榻亦玲瓏
波光遠逗橋陰碧
鐙影高懸塢頂紅
對酒政懷牛渚月
開颿忽遇馬當風
雲山萬疊家千里
各有思鄉夢不同

昌山

昌之山何童童
上有千尺百尺之峻壁
下有三里五里之犇洪
石欲攫人怒若虎
鋸牙張爪聲隆隆
輕舟一落成陷窞
但能曲折難爲通
巨纜直如弦
短篙曲如弓
百夫力竭汗浹背
邪許聲喧急浪中
是時天陰月正黑
雨石坊詩鈔卷十五 三
厓夜氣交溟濛
出入進退兩無計
幾人側臥心忡忡
昔年聖姥著靈異
雕甍刻桷瞻從龍
舟人上山例有禱
隻雞斗酒神無恫
竭來作客坐窮困
釜中粟匱瓶亦空
爭關奪隘恃一舉
大聲振耳山爲聳
臨風再拜挂颿去
我非傲福神無功

宿沙壁

客夜長如此
孤舟繫不開
好風吹月上
一篷過江來
竹影迷深隄
灘聲吼急雷
涼衾枕覺小
坐且銜盃

袁河水竭舟閣灘
上將以人車由宜春徑達涿

口卽事有述

一灘復一灘灘盡水亦乾一水復一水水窮灘亦止風
波見慣無足怪客路淹留仍自在醉時高臥醒時吟泛
宅浮家欣共載舟行安而遲一日或數里車行勞而捷
千里十日耳車行有定舟無定捷徑安途兩難並翳腳
屈久思一伸忽忽征輪動游興車搖搖山之禁舟迢迢
水一曲吳頭楚尾山水閒舟中殘句車中續

宿七星塘

曙色催我起暝色催我宿風塵澆我衣沙礫摩我轂舟

石泂詩鈔

卷十五

古

行遲滯多頓覺輕車速迢迢七星塘乃在山之縈小聚
成郵落蒨欄雜瓦屋人數不滿百晚炊香秬熟園蔬種
亦稀豈止食無肉散步出林垌看雲倚修竹踏車何處
聲夜靜聞輓輓

蘆谿

屋瓦魚鱗接人煙一望平水乾沙作路衙小市爲城棗
實紅堪摘桑陰綠未成似聞鳩喚雨林樾雨三聲

萍鄉

玉女峰前日漸西晚風吹動綠煙齊迷人楊柳郵郵路

口卽事有述

一灘復一灘灘盡水亦乾一水復一水水窮灘亦止風
波見慣無足怪客路淹留仍在醉時高臥醒時泛
宅浮家欣共載舟行安而遲一日或數里車行勞而捷
千里十日耳車行有定舟無定捷徑安途兩難竝翳腳
屈久思一伸忽忽征輪動游興車搖搖山之棊舟迢迢
水一曲吳頭楚尾山水閒舟中殘句車中續

宿七星塘

曙色催我起暝色催我宿風塵澁我衣沙礫摩我轂舟

石坊詩鈔

卷十五

十四

行遲滯多頓覺輕車速迢迢七星塘乃在山之棊小聚
成邨落蒨欄雜瓦屋人數不滿百晚炊香杭熟園蔬種
亦稀豈止食無肉散步出林垌看雲倚修竹踏車何處
聲夜靜聞軋軋

蘆谿

屋瓦魚鱗接人煙一望平水乾沙作路衙小市爲城棗
實紅堪摘桑陰綠未成似聞鳩喚雨林樾爾三聲

萍鄉

玉女峰前日漸西晚風吹動綠煙齊迷人楊柳邨邨路

慣惹游塵趁馬蹏

長春關

輕車忽復入煙蘿
踏蹬渾如九折坡
關吏漸疏行道樂
居民無恙占山多
樵風似箭鳴雙耳
巖翠連雲聚一窩
歸路尙賒歸思迫
不辭攜屐躡嵯峨

插嶺關入湖南境

征旂迢遞達關河
半載光陰一夢過
襟上酒痕京雒少
眼中山色故鄉多
遙岑風暖浮新翠
古堠煙寒裊碧蘿
爭似人家桑柘裏
團圞終日醉顏酡

石汭詩鈔

卷十五

五

月夜抵涿口借宿吉祥寺中

好隨明月度彎碕
便逐歸雲款石扉
憐客遠來僧絮絮
傍人閒坐僕依依
佛龕手疊新詩本
禪榻塵封老衲衣
一夜淒涼渾不寐
階蟲唧唧樹陰稀

石汭詩鈔卷第十五終

